

Dossier a enviar abans lo 31 de març de 2026



ÇA-i!

# APERET A PROJECTES Ligams !

Associacion Ligams  
La Ciutat - Creem !  
5-7 rue de la fontaine  
64000 Pau  
ligamsligams@gmail.com  
06 38 93 85 86



## REGLAMENT

# LAS RÈGLAS



En 2024, 100 000€ qu'ajudèn a finançar projèctes.

60% de la soma dedicada aus projèctes en 2026 que serà afectada au foncionar o a l'investissament d'associacions / federacions d'ensenhament de la lenga, territoriaument estructurantas, de la mainadèra dinc aus adultes (calandreta, CFPOC, OCBI, PARLEM, IEO...).

En mei deus projèctes d'ensenhament de la lenga, un detzenat de projèctes que seràn retienuts segon las tematicas seguentas : edicion, animacion culturau, creacion, còps de còr.

La jurada que s'avisarà de representar l'ensemble deu territòri gascon en causir los projèctes.

## Objectius esperats

- **Sostièner, ahortir** las associacions d'ensenhament de la lenga.
- **Facilitar l'emergéncia e l'experimentacion** d'accions navèras, d'activitats qui responen a l'objectiu de transmetre l'occitan gascon.
- **Sostièner lo desvolopament, l'estructuracion e l'ahortiment** de las accions de cap a la transmission e / o de la valorizacion de l'occitan gascon.
- **Favorizar la mesa en hialat**, valorizar e ahortir lo trabalh de partenariat, lo trabalh en comun deus diferents actors.

## Los fondataus

L'occitan gascon que deu préner ua plaça màger dens l'encastre deu projècte. Lo projècte que deu permétre lo desvolopament de la practica de l'occitan gascon en pausar las basas de la **transmission**, de l'**ensenhament** e de la **difusion**. Lo projècte que deu estar escrivut en occitan gascon / francés. La grafia normalizada que serà privilegiada.

L'imatge de la lenga que deu estar **positiu** e virat de cap tà l'**avièner**.

## Qui pòt participar ?

Las associacions e enterpresas de qui l'objècte principau ei lo desvolopament de la lenga e / o de la cultura occitana gascona deus territòris deu Biarn, Hauts Pirenèus, Cominges, Coseran, Val d'Aran, Gers, Lanos, Olt e Garona e de la Gironda que pòden participar. Las associacions organizadas en federacion d'associacions qu'an de despausar un sol dossièr per federacion.



## Hak aMassa

Un **partenariat** que serà botat en plaça entre portaires de projèctes retenuts e Ligams. Los portaires de projèctes que participaràn a la **promocion** de La Passem. Ligams que comunicarà sus los projèctes retenuts e la lor **realizacion**.

## Quin son validats los projèctes ?

Lo conselh d'administracion de Ligams que bota en plaça ua jurada compausada de :

- **3 membres deu CA**
- **3 referents locaux de La Passem**
- **3 professionaus de l'occitan gascon**

Aquera jurada qu'analiza totas las perpausicions de projèctes. Que's resèrva la possibilitat de demandar un avis exterior a un **professionau especializat** dens un domèni.

L'**Assemblada Generau** que valida las perpausicions e causidas adoptadas per la jurada.

Sus perpausicion de la jurada, l'AG que reserva lo dret de finançar tot o partida de la soma demandada.

L'atribucion de tot o partida de l'ajuda per lo projècte de qui lo perimètre o los objectius averén cambiat serà votada en CA. Dens lo cas o lo projècte ne's hè pas, la soma qui l'èra estada atribuïda que servirà au foncionament de l'associacion Ligams.

## Critàris

Lo Men  
projècte...

- **E respon aus objectius e fundamentaus de l'aperet a projècte ?**
- **A quau besonh e respon ?**
- **E bota en relacion los actors deu territòri ?**
- **A vocacion a inspirar naveths projèctes sus d'autres territòris ?**
- **A la capacitat de's perlongar dens lo temps ?**



## Quin participar ?

Enviar lo dossièr de candidatura 2026 completat en format numeric sonque a **[ligamsgasconha.projectes@gmail.com](mailto:ligamsgasconha.projectes@gmail.com)** (modèle suu site [lapassem.com](http://lapassem.com)).